

DE
HOMINE LIGIO

VVLGO

Sttes Freund,
Aller Welt Feind,



QVAEDAM CONIICIT

ET

MAGNIFICI ICTORVM ORDINIS
IN ACADEMIA LIPSIENSI
CONSENSV

VENTILATIONEM PVBLICAM
DECEM DISPVATIONVM

IN

AVDITORIO PETRINO

HABENDARVM

INTIMAT

ABRAHAM KAESTNER,
V. I. D. ET PRACT. LIPS.

LIPSIAE,
LITERIS GABRIELIS TROGII
CIS MDCC XXXIV.



Eudorum possessores variis nominibus vocari, illis qui ius feudale primis labris tantummodo degustarunt, ignotum esse nequit; Sic *I. feud. 10.* VASSI, a vassatico, VASALLI, FIDELES a fide; *I. feud. 22.* MILITES, a seruitiorum onere SERVIENTES, FAMVLLI, a ministeriis variis; (vnde HINCMARVS se vocat *Rom. Eccles. FAMVLVM*, v. *Opusc. de diuortio Lotbar. p. 323.* item, PLEBIS DEI FAMVLVM, *p. 325.*) DOMESTICI, MINISTERIALES, de familia &c. a relatione ad adpellationem domini seu Senioris, nominantur IVNIORES, vnde IVNGERN, IVNCKERN, v. SPELMANN, *Glossar. p. 397.* CASATI, CATANEI, v. ALTESERRA. de *Orig. Feud. c. 4.* TRIBVTARII, v. MVRCELLIN. *Lib. 28. p. 404.* aliquando CLIENTES, CLIENTVLI, BENEFICIATI, aliquando FEVDATarii a feudo, v. VVLTEI. *c. IV. n. 12. in f.* Germanis Manne vel Lehn: Männer, quasi prædicti virilitate animoque strenuo & recto, dicuntur; Olim, Vassalli, germanice Knaben, vel KNAPEN dicti sunt; v. *omn. EYBEN, El. I. F. c. IX. §. 2. p. m. 598.* Haud raro a Feudistis vassallus etiam simpliciter adpellatur Homo, vt igitur Vassallus Ligijs, & Homo Ligijs sit vnum idemque. v. CLEMENT. *Pastoralis, 2. de sent. & re iudic.* ibi: Homoque Ligijs & Vassallus. v. EYBEN. *c. I. cap. 9. p. m. 596.* Dicti autem sunt Ligijs, quod ligatis Reges pollicibus, illos fidei Imperijsque sic suis vineiant atque obnoxios statuunt; Rem TACITVS *Annal. Lib. XII. c. 47. n. 3.* sic exponit: Mos est, inquit, Regibus, quoties in societatem coeunt, implicare dexteras pollicesque inter se vincire nodoque praestringere: Mox ubi sanguis in artus extremos se effuderit, leui ictu cruorem eliciunt, atque inuicem lambunt: Id foedus arcanum habetur, quasi mutuo cruore sacratum. Quomodo eiusmodi vincula Mithridati, Rada-



Radamisso ex fratre nepote ipsi insidias struente, in perniciem valuerint, idem TACITVS *c.l.* recenset. Hunc ligandi morem apud *Scythas* etiam vsitatum fuisse ex *Luciano* adparet; Etenim, scribit, *simul atque incisis digitis sanguinem in calicem destillauerimus, summisque intinctis gladiis, ambo pariter admouentes biberimus, non est quicquam quod deinde nos queat dirimere.* Quamuis vero hodiernis moribus eiusmodi ligandi ac vincendi modus vix sit in vsu, nota tamen nihilominus est apud interpretes feudi diuisio in *ligium* & *non ligium*; *Ligium* vocant, ratione cuius *vasallus* obligatus est ad fidelitatem domino praestandam contra omnes, nullo excepto, v. STRVVIVS *S. I. F. t. 3. §. 9.* hinc etiam ortum prouerbiū: *Gottes Freund, aller Welt Feind*, quoniam *Homo Ligius*, qui est quasi *ὁμόλογος* & *εὐχραιστος*, dominum suum contra omnes defendere tenetur; *Vasallus* enim proprie & absolute *ligius* neque subiectionis, neque *vasallitica* fidelitate vlli alii aequè addictus esse potest. v. P. GREGOR. in *Syntag. iur. vniuers. lib. 6. c. 2. n. 28.* Eiusmodi *vasallum* interdum *Ledigium*, *Ledig-Mann*, & feudum eius *Ledig-Lehn*, non respectu domini sui, cui vni soli obnoxius est, sed respectu omnium aliorum vocare solent. v. HORN. *iurispr. feud. cap. III. §. 23. p. 66. conf. EYBEN. c.l. vbi plura de origine vocis ligii adducit.* Subdiuidunt feudum *ligium* in *proprie* & *absolute* tale, quod nimirum solus Imperator potest concedere, v. STRVVIVS *c.l. s. 1.* seu quod a non recognoscente Superiorem in secularibus, subdito, a nullo haftenus feudum recognoscente, concessum; In quo omnino excipitur nemo, & in hac significatione feuda Imperii regulariter *ligia* esse, ex ITTERO *de feudis Imperii c. 2. §. 12.* adserit STRYK. *E. I. F. cap. 3. qu. 44. conf. FVRSTNER. de iure Supremat. cap. 26. seq.* Cui absolute tali opponunt analogice tale, quod scil. a Ducibus & similibus, analogam quandam Maiestatem habentibus, constituitur ita, vt contra omnes, excepto solo Imperatore, fidelitas exhibeatur. v. ROSENTHAL *c.l. concl. 3.*



ANTON. *de feud. l. 1. b. 3.* Sicuti vero distinctionem prolatam adferentes, omnes *ad II. f. 99.* confugiunt, quo feudi *ligii* fit mentio, quem textum ut tripodem adorant; Sic probe etiam defendentibus animaduertendum, teste CRANZIO, Italis *ligium* idem fuisse, quod Longobardis *Vassum*. Mysterium, quod ex eodem textu euoluere conantur, nempe, *ligium hominem duorum esse non posse*, infringitur. Nam & in aliis feudis, quae communiter a *ligiis* distinguuntur, in Imperio nostro, quicquid etiam in Gallia obtineat, neminem simul circa vnam eandemque rem duorum posse esse Vassallum, usu probatum est. Homo enim Homini tui, non dicitur tuus homo, v. KNICHEN *de Vestiturar. paction. P. II. c. V. n. 106.* Si itaque dicendum quod res est, diuisio feudi *in ligium & non ligium*, solido fundamento non nititur, nec iuri feudali conformis est; *Ad II. feud. 99.* tanquam commune asyllum, respondetur: Capitulum hocce, id quod nemo inficias ire poterit, non tantum esse extraordinarium, sed, nec sequi: *Ligium* habere oppositam speciem; Est potius epitheton omnis feudi, non secus, ac homo *rationalis* vel *risibilis*; v. BEYER *posit. iur. feud. c. 11. pos. 94. lit. K. p. m. 24.* Docendi gratia igitur videtur introducta, ut propterea etiam a LVDWELLO *de feudis p. 58.* Magistralis vocetur, qui etiam dictam defendit diuisionem, statuens, quamuis *cap. 99. II. feud.* esset extraordinarium, nihilominus tamen, cum ordinariis non aduersetur, recte pro confirmatione & declaratione eorum, quae in ordinariis paulo obscurius tradita sunt, adlegari posse; Quia vero ex formula iuramenti, quod praestare tenetur omnis Vassallus, & *II. feud. 7.* sic praescribitur: *Ego Titius Tibi Caio Domino meo iuro, quod ero fidelis contra omnem hominem, excepto Imperatore vel Rege*, satis adparet, quemlibet vassallum iurare fidelitatem nullo excepto, vel anteposito, subscriberem potius HOTOMANNO dissentienti a LVDWELLO. Idem cum illo statuit ISERNIA *cap. I. n. 6. de nou. form. fidel.* quia feudum *ligium* semper & ubique *superiorem & antiquiorem* Domi-



Dominum eximit; Quinimo FRIDERICVS constituit, vt in
sacramento fidelitatis *Imperator* nominatim excipiat, v. II. feud.
55. in fin. adeo, vt superior prohibere possit, ne Vassallus consti-
tuat se *ligium* alterius, v. IO. ANTON. LANARIUS, *consil.* 20.
n. 11. *conf.* SAISON in *consuetud.* Turon. Tit. 12. art. 1. verb.
Comment. *Pon doit &c.* gloss. 2. *concl.* 23. vers. *nunc quia.* Certo
certius quippe est in omni iuramento Imperatorem *nominatim*
excipiendum esse, & si nominatim non excipiat, exceptus
tamen tacite intelligitur, cum Imperator emineat super omnes,
tanquam stella matutina in medio nebulae meridionalis, *vt*
loquitur BALDVS ad II. feud. 55. §. fin. & sit Romani Imperii
caput. v. HEIG. P. I. qu. 2. n. 21. seq. & ANT. KNICHEN, de
Saxon. non *promoc. iure.* verb. *Ducum Saxoniae, c. 1. a num. 1. usque*
ad n. 39. Excipitur itaque in omni iuramento *Imperator* vel ex-
presse vel tacite; Excipitur etiam parili modo *antiquior* seu prior
Dominus, v. g. Si Princeps feudo inuestiat subditum suum, huic
vero deinde ab alio Principe feudum concedatur; Quaeritur
qua formula fidelitas sit praestanda? Et respondetur, ita vt pro-
mittatur quidem fidelitas contra omnes, *excepto tamen antiquiore*
Domino. Non obstat, pacta posteriora derogare prioribus;
Respondetur enim hoc verum esse, & procedere in pactorum,
nullatenus vero in iuramentorum materia; Iuramenta enim
priora derogant posterioribus, & in concursu duorum iura-
mentorum, posteriori per prius semper praeiudicatur. v. c. 26.
§. 33. X. de *iureiurand.* quia semel tantum quis animam suam
obligare potest. Ius autem alteri ex primo iuramento quaesitum,
ipso inuito inuerti nequit, cum nemo animam suam ad contraria
obligare valeat. Ceterum quibus adhuc arridet adducta diuissio,
ad feudum *ligium* *quatuor* requirunt: 1) vt illud concedens
Superiorem non agnoscat, 2) vt, qui accipit eiusmodi feudum,
non alium recognoscat nisi eum, a quo illud concessum habet:
Si enim Superiorem alium gradu dignitatis eodem agnoscat
non



non potest huic omnem facere fidelitatem, 3) ut in investitura seu concessione nominatim & disertis verbis, *id feudum ligium esse*, exprimatur; Quod quamvis non semper necessarium adfirmet SCHRADER *de feud. P. II. c. 4. n. 2.* attamen hoc substantiale cum communi Dd. schola tutius retinendum alii existimant. 4) Ut Vassallus principaliter personam & consequenter omnia sua bona (*nisi ab alio ea in feudum teneat*) potestati & iurisdictioni domini sui ligii subleat; Quod ultimum ratione non carere cum IASONE, CVRTIO & aliis statuit SCHRADER *c. l. n. 1.* quamvis haud pauci dissentiant, v. *omn. GOTHOFREDI ANTONII Ius feudale, disp. I. §. 3.* ibique STRYK. *in not. lit. f. p. m. 24. seq.* Ex dictis, hominem ligium, non vno modo accipi, adparebit; Triplex autem illius significatio notari meretur: *Scil. 1) absolute* pro eo ponitur, qui Principi summo se obligat totum, hocque vel ratione subiectionis & feudi simul, vel alterius. 2) Sumitur *respectue*, quando nimirum quis pro feudo Principi inferiori se in solidum obligat atque obstringit, ita tamen ut Superior sit exemptus. 3) Abusue accipitur pro eo, qui Domino etiam privato arctius quam ceteri est obstrictus. Longius excurrere & chartae angustia & instituti ratio non permittit; Ut enim paucis adhuc indicem cuius rei gratia haec praemisi, restat: Edidi *scil. huc usque XXIII.* quibus lectiones meas privatas intimaui, de variis materiis Programmata; distractis vero exemplaribus, *Magnifici Ictorum Ordinis* auctoritate atque consensu, utile visum fuit, priora X. subinde aucta, praeprimis autem a *Nobilissimis Dnn. Respondentibus* variis Corollariis adiectis, per modum publicae Disputationis proponere, fiet hoc in Auditorio nostro *Petrino* ab hora X. ad XII. diebus, antea ex valuis designandis. Viri iuvenes Nobilissimi, qui haecenus singulari industria solidiori iurisprudentiae operam dederunt, interque privatos parietes exercitio disputatorio diligenter interfuerunt, nunc vero publice vires pericli-



periclitari conantur, sequentem, conuentione inter se, absque
praeiudicio eruditionis & praerogatiuae, constituere ordinem:
Scil. defendet

THEMA I. *An doctoralis dignitas filium liberet a patria
potestate?*

DN. IO. GOTTLÖB TEVBNER, Hayna-Martish.

II. *De protestatione facto contraria.*

DN. CAROL. FRIDER. ZIMMERMANN, Dresd.

III. *De Clausula: Was Erd- Band- Band- Mauer-
Wied- Nieth- Nagel- und Schrauben- feste ist.*

DN. CHRISTIAN. ELIAS BERGMANN, Görl. Lusat.

IV. *De Exceptione litis ingressum impediante.*

DN. IO. HENRICVS STEINBERGER, Schlaiza-Var.

V. *An uxor, quae consentit marito testanti, portioni
statutariae sine curatore renunciare possit?*

DN. CHRISTIAN. EHRENFRIED ADOLPH
FRITSCHKE, Lucc. Lusat.

VI. *De usu brocardici: Omne, quod solo inaedificatur,
solo cedit.*

DN. ABRAHAM GOTTHELF KAESTNER, Lipsiens.
N. P. C.

VII. *Mutuum adhuc hodie esse gratuitum.*

DN. CHRISTIAN. FRIDER. ANDERS, Zitt. Lusat.

VIII. *De Mennonistarum circa iusiurandum supersti-
tione.*

DN. IO. VILHELMVS SIXTIVS, Zittau-Luf.

IX. *Iuramentum in causis matrimonialibus recte, etiam
negatiue deferri.*

DN. CHRISTOPH. FRIDER. KIRCHNER, Heb. Misp.

X. *Paradoxa quaedam iuris canonici.*

DN. Gotthilff Traugott Scheffler, Görl. Lusat.

Singuli



Singuli recensiti, eruditione ac morum elegancia vere Nobilissimi iuuenes, dicta Themata, sub meo qualiquali moderamine, & respondendo & opponendo, obseruatis regulis bonae disputationis, publice ventilabunt; Curabo enim diligenter, vt finis cuiuslibet disputationis, veritatis, nimirum indagatio, semper obseruetur, & Auditores, quantum fieri potest, certi dimittantur; Et quia optime notum, inter opposcentes praecipuis, dari aliquando *Thrasones*, qui clamoribus fortes, verbis duri & multi, sed iudicio pauperes iuueniuntur, (*sunt verba Ill. BOEHMERI, in manuactione, ad methodum disputandi &c. Tb. II. p. m. 5.*) cauebo, ne inutilia, ad rem non pertinentia, nec quisquiliae proferantur, multo minus vt saltim cachinnus a disputantibus moueatur, permittam; In more enim nonnullis positum est, vt id, quod deest argumentis, quae haud raro admodum inermia deprehenduntur, ridiculosis gestibus, verbis iniuriosis, clamore ac risu &c. suppleant, vt disputatio in comoediam mutata videatur. Quia vero haec & similia cordatum disputatorem non decent, a nostro etiam instituto procul abesse debent. Vos ergo *Generosi ac Nobilissimi* Iurium Cultores, qui nominatis meis *Dnn. Respondentibus* & mihi bene cupitis, beneuolentiam, qua haecenus nos prosecuti faistis, frequenti praesentia vestra ulterius demonstrare, intermittere nolite, hoc enim ipso, actui nostro disputatorio ornamentum insigne conciliabitis; & calcar currentibus addetur.

P. P. Lipsiae e Musaeo, die 21. Iunii, A. R. S.

CIO MDCC XXXIV.

